

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 461. Privilegia vivæ vocis oraculo quæ dicantur, cuius valoris, an
& quæ revocata.

[urn:nbn:de:hbz:466:1-73982](#)

communi. Hanc revocationem non necessariò facienda per nuncium aut epistolam à revocante missam, sed sufficere, ut quocunque modo de ea certus fiat privilegiatus, docent Suar. l. c. n. 7. & Bonac. l. c. eò, quòd hic modus notitiæ ex natura rei sufficiat, & nullib[us] iure positivo aliis modis sit præscriptus. Quod ipsum, eti probabile dicat Castrop. n. 4. probabilius tamen esse censet cum Pontio cit. n. 14. Sá v. gratia. n. 1. hanc revocationem fieri debere per rescriptum, epistolam vel nuncium ad hoc destinatum, eò, quòd revocatio privilegii non fecus, ac lex ejusque revocatio debeat à revocante procedere, cùm aliás non sit publicatio authentica, & consequenter non firmet publicationem.

Quæst. 460. *A quo fieri possit revocatio privilegiorum gratuitorum, onerosorum, remuneratoriorum, casu, quo revocabilia sint?*

1. **Esp.** Primò: Dubium non est, fieri eam posse à successore concedentis, cùm privilegium solam concedentis jurisdictionem spectet, quam eandem cum illo haber ejus successor. Posse quoque concedentem privilegium contra jus proprium validè revocare, sine legitima causa satis certum videtur ex dictis suprà. Posse etiam inferiorem dispensantem, vel concedentem privilegium contra legem Superioris, quando ei indulta est potestas dispensandi, validè sine causa revocare dispensationem à se factam, censet Bonac. apud Castrop. l. c. §. 3. n. 2. qui ipse tamen cum Sanch. Salas. Pont. Franco, &c. probabilius censet contrarium, nimis inferiori sine causa validè revocare non posse dispensationem à se factam, posse autem cum causa, eò, quòd sicut inferior non potest validè concedere dispensationem in lege Superioris absque causa, ita non possit validè sine causa revocare dispensationem à se factam, cùm enim ex voluntate Superioris concedentis illi potestatem dispensandi operetur, non est, unde colligatur, voluntatem Superioris esse, ut sine causa validè revocet dispensationem à se factam, cùm tamen absque causa non possit concedere dispensationem. Sic itaque non poterit Episcopus revocare dispensationem à se factam patrocho ad non residendum, aut ad differendum Ordines ratione studii, quia est dispensatio in lege Superioris, quam postquam dispensavit in ea, denuo stabilire, seu ejus obligacionem reducere non potest.

2. **Resp.** Secundò: Tametsi Papa revocare possit dispensationem factam ab inferiori Prælato vi collata ei potestatis dispensandi ab ejus Superiori, quia cùm omnis jurisdictione pendeat à Papa, si potest denuo ablatam legem & obligationem impunere, & subditum ab alio exemptum eidem rursus subjeere. Superior tamen alias inferioris Prælati non videtur ab eo datam dispensationem revocare posse, quia injustum videtur private inferiorem usum jurisdictionis ordinariæ; ita Sanch. cit. d. 33. n. 7. Suar. de LL. c. 37. n. 17. in fine. Pont. l. c. n. 15. in fine. Castrop. l. c. n. 5.

Quæst. 461. *Privilegia vivæ vocis oraculo, quæ dicantur, cuius valoris, an & quæ revocata?*

1. **Esp.** Ad primum: Sunt privilegia, quæ Pontifex vel Princeps solā voce seu ore tenus concedit, quamvis subinde, ut pro foro ex-

terno probari & practicari valeant, postmodum in scriptum redigantur, & testimonio authenticō ab iis, quibus incumbit ex officio, fide digna reddantur. Reiffenst. cum communi, b. t. n. 194.

2. **Resp.** Ad secundum: Gratiae & privilegia vivæ vocis oraculo concessa sunt ejusdem valoris pro foro interno, cujus sunt concessa in scriptis, c. institutionis. 25. q. 2. ad essentiam enim & substantiam privilegii, adéoque nec ad vim & efficaciam privilegii requiritur scriptura juxta dicta suprà; pro foro ramen externo, ut valeant practicari, non sufficit oretenus solum concessa, sed insuper requiriatur, ut testimonio authenticō, adéoque in scripto eorum concessio probetur, juxta Reg. Cancellar. 57.

3. **Resp.** Ad tertium primò: Omnia & singula privilegia quibuscumque Capitulis, Collegiis, Ordinibus vel personis eorum à quocunque tandem Pontifice usque ad Urban. VIII. vivæ vocis oraculo concessa hodie pro utroque foro sunt revocata, ita, ut nec in foro interno, nec externo iis privilegiis licet amplius uti, eti ad supplicationem Regum sunt concessa, ac de isdem verè concessis Cardinales propriā manu scriptum testimonium ferant, nisi per Officiales & ministros illos, quibus incumbit ratio officii gratis, privilegiis & favoribus per Pontifices vivæ vocis oraculo concessis, aut imposteriorum concedendis fidem facere & authentizare, quibus proinde fides haberi solet & debet, sunt authentizata; ita verbotten Reiffenst. num. 152. testans, hanc esse hodie communem & certam sententiam ob claras & expressas revocationes factas à Gregorio XV. & Urban. VIII. cujus prioris Constitutio incipit: *Romanus Pontifex in specula; estque illius 27. & habet Tom. 3. Bullari Cherubin,* quam etiam ad fusum recitat Reiffenst. n. 153. in qua Constitutione, tametsi contrarium paulò antè dictis habeatur, dum expreſſè excipiuntur privilegia vivæ vocis oracula concessa ad supplicationem Regum, nec non illa, de quorum concessione Cardinales in scriptis testimonium ferunt, hodieunt tamen & hæc non amplius valent, eò, quòd Urban. VIII. in Constitutione sua, quæ incipit: *Alias felicis recordationis Gregor. XV. estque illius 21. in Bullar. Cherub.* illa quoque revocavit hæc expressis: *Omnia & singula vivæ vocis oraculo, S. R. E. Cardinalium quorumcunque manus firma& &c. quibuscumque etiam intuitu, contemplatione, ad instantiam Regum & Principum quorumcunque, cassamus & annulamus &c.*

4. **Resp.** Ad tertium secundò: Privilegia illa vivæ vocis oraculo, quæ per dictos Officiales & Ministros authentizata non sunt revocata, sed omnia & singula à quocunque Pontifice concessa, in utroque foro adhuc valent, validèque ac licite practicari possunt, prout declaravit Urbanus VIII. in Constitutione sua, quæ etiam incipit: *Alias felicis recordationis;* quatuor annis post præcedentem ejus Constitutionem edita, illius 141. in Bullar. cuius verba refert Reiffenst. n. 156. circa quæ notanda sequentia. Primò: quod inter dictos Ministros & Officiales esse quoque possint Cardinales, adéque licet absolute loquendo Cardinalis cuiuscumque testimonium de privilegio vivæ vocis oraculo confessio non sufficiat pro valore illius, sufficiat tamen, si aliqui Cardinali, ut de illo testetur, commissum specialiter, vel si sit protector Ordinis, de cuius privilegio testatur, quia etiam tali ex officio ei à Pontifice commissio incumbit de iis saltem, quæ talem Ordinem concernunt, testari, ita Reiffenst. n. 157. cum Donato Tom. I. p. 1. tr. 16. q. 12. Secundò: *idem*

Idem esse, quod confirmatio privilegiorum concessorum vivâ voce non valeat pro foro externo, nisi & ea facta verbotenus authentizetur per dictos Officiales & Ministros, secus est, seu valent tam dicta privilegia, quam confirmatio eorum facta verbotenus, si confirmantur & innoverentur per Bullam ex certa scientia, cum tunc novam naturam & novum esse acquirant, quia ex vivâ vocis oraculo evadunt privilegia scripta, eorum naturam assumunt, Reiffenst. n. 160, cum Pelliz. tr. 8. 6. 1. n. 132. Tertiò: quod privilegia concessa vivâ vocis oraculo post Urban. VIII. & quidem pro foro interno omnia ac singula, de quibus sufficienter constat esse concessa, eti de iis testimonium authenticum à supradictis officiis non habebant, sed alii fide digni Superiores, Generales, Provinciales, Procuratores Generales, aut alii hujusmodi, in quorum praefectio Papæ privilegium verbotenus concessit, de iis testimonium ferunt, eò quod par in parem non habeat imperium, & consequenter constitutiones Gregor. XV. & Urban. VIII. manus Successorum non ligent, nec ad eorum constitutions novas se extendant, procul dubio hujusmodi subsequentes Successorum concessions vivâ vocis oraculo factæ in foro conscientiæ valeant, si de iis quoconque testimonio fide digno constet. Reiffenst. num. 163. Quartò: Quod, ut talia privilegia vivâ vocis oraculo concessa etiam pro foro externo valeant, non sufficiat testimonium ceteroquin fide dignum de eorum concessione, sed requiratur non tale, quale ad probandum in foro externo alias requiritur, & sufficit, quamvis necesse non sit testimonium doctorum Officialeum, cum probatio per hocum testimonium præscripta ab Urban. VIII. solum, se extendat ad probanda oracula præcedentia, non vero ad subsequentia ejusdem constitutionem oracula. Reiffenst. n. 164.

Quæst. 462. An & quæ privilegia regularium revocata vel non revocata per Concilium Tridentinum?

1. Resp. Primo: Sicut falsum est per Concilium Tridentinum revocata esse omnia regularibus ante illud concessa privilegia, ita certum est eorum plura ab illo revocata esse. Quod attinet ad primum, constat ad ipsum ex ipso Trid. dum Sess. 25. de regul. c. 20. ad finem ait: in ceteris omnibus praefectorum Ordinum privilegia & facultates, quæ ipsorum personas, loca & jura concernunt, firma sunt & illesa. quod confirmatur non universali praxi Ordini.

num plurimis eorum libere utentium, ut & pluribus à Summis Pontificibus post Tridentinum confirmatis. Quod attinet alterum, omnia & singula regularium privilegia ante Concilium concessa, quæ adversantur decretis illius contentis. Sess. 25. de regul. revocata sunt ab eodem Concilio, ac proinde licet non observanda, nisi post Trid. defuper novum impetratum privilegium, prout constat ex verbis Trid. l. c. 22. præcipiens observari decreta derogatoria, quibus privilegia utique regularium abrogavit, dum dicit: non obstantibus eorum omnium & singulorum privilegiis, sub quibuscumque verborum formulis conceptis, ac mare magnum appellatis, etiam in fundatione obtentis, nec non consuetudinibus vel præscriptionibus immemorabilibus. &c. Idemque proinde est de privilegiis ante Trid. regularibus concessis, quæ adversantur aliqui cuiuscumque sessionis decreta habenti hanc similem clausulam: non obstantibus quibuscumque privilegiis. Reiffenst. h. t. num. 138. quamvis etiam privilegia decretis aliatum sessionum, excepta Sessione 25. non obstantibus dictam clausulam derogatoriæ; non obstantibus contraria non censerter derogata ab eodem Concilio doceant probabiliissime Rödriq. qq. reg. Tom. 1. q. 8. a. 7. Mirand. in man. Prelat. Tom. 2. q. 42. a. 3. vers. sed alib. Suar. L. 6. de LL. c. 18. in fine apud Reiffenst. num. 139. contra Donat. Tom. 1. p. I. tr. 11. q. 15. à num. 4. Peyerin. in declar. prævileg. Tom. 2. in consti. 1. Gregor. XIII. num. 3. docentes, privilegia adversantia simpliciter cuicunque tortis Concilii decreto etiam destituta dictâ clausulâ revocata à Trid. censerter latem, siquidem nulla lex, constitutio vel decreta, eti generaliter vel universaliter latum, derogat particularibus locorum aut personarum statutis, consuetudinibus aut privilegiis, nisi id exprimat, ut Barbos. inc. I. de consti. in 6. cum communis D.D. ergo nec Trid. per Decreta sua generalia id non exprimentia & destituta clausulâ generali derogatoria.

2. Resp. Secundò: Regulares hodiecum etiam in foro conscientiæ uti non possunt privilegiis sibi concessis expressè à Trid. revocatis, quia sententia opposita ab Alexand. VII. his terminis expressa: Regulares uti possunt privilegiis, quæ sunt expressè revocata à Concilio Tridentino, damnata gest; expressè autem ab eo revocata sunt omnia & sola ea privilegia regularium, quæ sunt contraria alicui ex decretis à Trid. Sess. 25. de regul.

TITULUS XXXIV.

De Purgatione Canonica.

Quæst. 463. Quid sit Purgatio Canonica, & qualiter fiat?

1. Resp. Ad Primum: Purgatio, de qua hic, in genere est ostensio innocentia de objecto criminis, alia est vulgaris, de qua seq. tit. alia canonica, quæ est ostensio innocentia criminis alicuius, quod alicui objectum, vel de quo quis graviter infamatus vel suspectus, facta canonice seu juxta SS. Canonum præscriptum, sumitur ex can. si mala. 2. q. 5. juncta Gl. v. deficientibus. & c. dilectis. h. t. nos inter. Purgatio quoque canonica fit super macula, defectu aut impedimento obstante v. g. promotioni ad Ordines & beneficia ecclesiastica.

Arg. c. accedens. & Gl. ibid. v. purgatione. & Abb. num. 1.

2. Resp. Ad Secundum primò: Fiebat purgatio canonice olim variè, nimirum primò per juramentum factum ad sepulchra vel reliquias Sanctorum præsertim, ubi illi magis clarebant miraculatam à reo quām accusatore præstitum, ut constat ex can. habet. c. Mennam. c. quanto. 2. q. 7. eò quod harum reliquiarum virtute & meritorum Sanctorum illorum intuitu Deus sèpe patet faceret reorum vel diffamatorum innocentiam, & accusatorum vel diffamantium perjurium, ut testantur plures SS. Patres apud Baronum ad annum Christi 412. à n. 24. Secundò: per susceptionem Eucharistiae vel celebrationem missæ, arg. can. sape & can. fin. 2. q. 5.